

CUME OÛN NOÛVULO

El preîmo amur jî cume oûn noûvulo,
bianco cume la carta
ca cun meîle furme el ta incanta.

El jî cume oûna bunbaseîna
ca la jîoga cun la piguriela sbaraseîna.

Qualca vuolta el noûvulo scondi el sul,
ti vularavi spustalo e nu ti puoi,
ma basta oûn può da vento
ca el cor turno a iesi cuntento.

Sa iesi anca triste el preîmo amur,
oûn noûvulo niro ca puorta dulur,
ta par ca nu ti ga vignariè fora
ma par fortoûna riva la bora.

El noûvulo greîfo jî el pioûn bufier,
jî quil ca nu ti capisi sa loû jî oûn lafagner,
el ta fa ridi e anca piurà el cor
e jî prupio cuseî el miêo preîmo grandò amur.

MOTTO: BATANA